

文
獻
叢
編

二十六年第六輯



文獻通考

卷一百一十五



中華民國三十二年一月出版

文獻叢編第四十六輯

編輯 故宮博物院文獻館

出版發行 故宮博物院

印刷 北京和平門內文雅社



每冊定價二元

英水師將帥伯麥等致定海協鎮函 原藏軍機處

大英國特命

水師將帥爵子伯麥
陸路統領總兵官布身利

敬啟

定海城協鎮大老爺知悉。現奉

大英

國主之命。率領大有權勢水陸軍師。前往到此。特意登岸。如友占據定海並所屬各海島。至該島居民。若不抗拒本國軍師。

憲林鄧等於舊年行為無道。凌辱

大英

國主特命正領事義律。暨英國別民人。故不得不然。占據辦法。現今須要保護本國船隻并

兵。一均妥當。是以

大老爺。必須即便將定海並所屬各海島。與其堡臺一均投降。故此本

將帥
統領招

大老爺安然投降。致免殺戮。但不肯投降。本

將帥
統領

自應即用戰法。以奪據之。且遞書委

員。惟候半個時辰。俟致咨覆。此時完了。而大老爺不肯投降。並不咨覆。本

將帥
統領

即行

開炮。轟擊島地。與其堡臺。及率兵丁登岸。特此啟

定海城協鎮大老爺閱鑒

一千八百四十年七月初四日即

道光二十年六月初五日啟



二十六年第六輯文獻叢編目錄

英水師將帥伯麥等致定海協鎮函 照片

軍機處經費歲入歲出總表 照片

藩屬表章票擬式樣 內閣大庫檔

密記檔 軍機處檔

烏什辦事大臣雅爾泰私糶倉糧案 軍機處檔

長麟等奏參雅爾泰摺

長麟等請查抄雅爾泰在京財產摺

綿課等奏查抄雅爾泰家產情形摺 附單二

長麟等奏審擬雅爾泰等緣由摺 附供單

蘇州織造李煦奏摺 宮中檔案

奏報米價並進晴雨錄摺

奏兩淮商人情願再捐軍需銀兩摺

奏報米價並進晴雨錄摺

奏請飭諭撫臣勿禁鹽價摺

奏商籍童生考試事已與張應韶繕疏具題摺

奏報米價並進晴雨錄摺

奏京口將軍撥千總一員帶兵赴三江營協防摺

奏軍民人等聞大敗澤旺阿喇蒲坦賊衆均歡聲動地摺

奏報雨水米價摺

奏報收割御稻情形摺

附單二

奏報雨水米價並進晴雨錄摺

奏俟新疆臣張應詔到任卽星馳進京摺

奏報鹽商所繳銀數摺

奏報米價並進晴雨錄摺

教案史料

軍機處檔
續

福建延平美教堂被拆案

美欽差西華請咨閩省迅即查辦延平拆毀教堂案照會

美欽差西華知照延平教案已飭領事官即照所擬完結照會

美欽差西華請覆延平滋事及通商總局二事照會

福建延平美國薛教士被毆案

美欽差西華知照薛教士被毆案情照會

附教士稟詞

美欽差西華照復延平教案俟地方官報到案情供證再飭戴領事查辦照會

光緒庚子辛丑電報

軍機處檔

昇平署崑弋承應戲

內務府檔

羅漢渡海

箕疇五福

附錄

端方檔案之分析

文獻館二十六年五月分工作報告

一、

二、

三、

四、

五、

六、

七、

八、

九、

十、

藩屬表章票擬式樣 內閣大庫檔

原冊前數頁殘闕，名稱已佚，前載辦理藩屬表章事例，後列票擬簽式，均舉實例，堪爲徵文考獻之助。案內閣滿票簽處，票擬本章，編有「部本式樣」，「通本式樣」等，此冊重在開列簽式備查，其編輯意義，與前二者同，因襲其名，題爲「藩屬表章票擬式樣」。

（前闕）旨改簽簽式列後備查

朝鮮各表向例一分自嘉慶二年賀太上皇帝皇帝表各一分特記

一查暹邏國正貢表章係金葉番字其表有正無副內閣照原譯表底兼繕清漢擬簽加說帖進呈發下時清漢表出科說帖交漢票簽其金葉表金筒金圈金葉表連筒進呈及例不進呈之原譯表底漆盒錦袋等項一併交廳貯庫

再查該國向例進金葉表一筒正貢一分自嘉慶二年賀太上皇帝賀皇帝共進金葉表二筒正貢二分賀太上皇帝表遵照向例擬簽賀皇帝表堂定票准其抵作下次正貢簽進呈時奉旨改簽簽式列後備查

于是年正月二十五日經中堂遵旨議准查還

暹國向無作抵正貢之例嗣後該國祇准進正貢分如有仍前多進者著該督卽於該處駁回特記

一查南掌國正貢表係銷金蒲葉表係蒲葉皆書該國番字正副共貯一匣

正副

衣連匣
進呈

內閣照原譯表底兼繕清漢擬簽加說帖進呈發下時清漢表出科說

帖交漢票簽其銷金蒲葉正副表連原匣及表底一併交廳貯庫

一查安南國正貢謝恩正表及奏本內閣兼清擬簽加說帖進呈發下時正表奏本出科說帖交漢票簽副表貯庫其金鎖鑰金什件匣亦於出科之日交廳由廳轉交內務府造辦處特記

一查琉球國正貢謝恩正表例不進呈其副表及奏本由內閣兼清擬簽加說帖進呈發下時副表奏本出科說帖交漢票簽其正表連匣一併交廳貯庫

一查緬甸國進貢表章係金葉番字

連筒
進呈

其表有正無副內閣照原譯表底兼

繕清漢擬簽加說帖進呈發下時清漢表出科說帖交漢票簽其金葉表並原譯表底象牙筒等項俱交廳貯庫

一查朝鮮國表章

進呈表即
該國副表

奏本內閣兼清加說帖及禮單一併進呈俟發下

時上交本檔交漢票簽出科其狀

即朝鮮
國正表

印花封套等項令典繕廳於大記事

檔上畫押領去貯庫凡有應交各該處者其登檔畫押倣此

一漢票簽票送各國表章雖係回堂擬定至本處辦理時務須細心查對照向例者固多遇有特表特貢者亦不得拘以回定之式必當詳細斟酌以防錯誤卽如嘉慶元年朝鮮國有賀建儲頒諭傳位登極表三件皆係另行回堂票擬此三簽式列後備查

一查各國所進表章多寡不一向例每國說帖祇一件夾該國頭一道表內其草底雖由漢票簽照例擬寫向來不致遺漏然其中間有舛錯一亦難保其必無本處辦理時一亦當悉心核對然後發寫庶免因漏就簡之失其說帖紙之大小書寫之行款抬頭之格式一如部本式樣俟進呈表出科之日說帖上大記事檔令漢票簽畫押領去存貯該處凡有應交該處者其登檔畫押倣此一查朝鮮國隨表禮單年貢禮單俱加漢字片一件其片式卽如簽子其字單漢無清其紙不畫鉛邊背後不畫小名出科之日此片不交漢票簽入本處五

要檔特記

一查各國歲貢謝恩表章皆於開印三單後彙進至於封王建立世子國王薨逝王妃薨逝告赴請賜諡典請發列傳請將戶口編入中國等項表章皆係隨到隨進又不在彙進之例卽如乾隆四十八年八月駕幸盛京時朝鮮國王肅使奉萬壽迎駕請安二表至行在由禮部賫送內閣回明中堂遵旨擬簽加說帖進呈至次年開印後進長至元旦及年貢禮單等表彼時亦加說帖聲明萬壽表由行在恭進此說帖式列後

一各國表章初送到閣時供事等每將原匣包袱等物輒換竟致將表章皮面間有擦損者殊非慎重之道務於封印後先期傳諭典籍廳承辦表章供事令其將原匣盛貯送堂繕寫票擬以防污損而昭慎重

一於正月初旬片交禮部本年進貢者共幾國將各國表章數目及向例開列各國先後次序令其詳細查明開送以便辦理

一片查禮部所有各國表章隨貢者幾件有表而無貢者幾件例貢之外有無多進者上年正貢之外有無作抵者令其詳細查明分析開註以備中堂察覈

一片交禮部查取各國使臣名單及貢物數目令其分析明白另單開送以備中堂查閱以上數條務於節前催齊

一節後片查禮部照向例賞賚各國王及使臣緞疋等物共幾分例賞之外有無加賞詳細查明另單開送以備中堂查閱

一擬寫呈送中堂略節應查照禮部咨送各國次序先後及某表某票簽分析有無禮單禮單內夾某片併例應進呈與例不進呈之件詳細開明擬定草底令供事繕寫呈送其式列後

計開

朝鮮國王某 慶

賀

萬萬壽聖節表一件 票

覽王奏賀進獻方物具見悃忱知道了該部知道 簽

隨表禮單一件 內夾

朝鮮國王 慶

賀

萬萬壽聖節禮單

漢字片一

以上 件 有禮單

長至使臣參宴謝

太上皇帝恩表 一件 票

覽王奏謝知道了該部知道 簽

以上 件 無禮單

朝鮮國王 慶

賀

萬壽聖節表 一件 票

覽王奏賀進獻方物具見惻忱知道了該部知道 簽

隨表禮單 一件 內夾

朝鮮國王 慶

賀

萬壽聖節禮單 漢字片一

以上 件 有禮單

長至使臣參宴謝

皇帝恩表一件 票

覽王奏謝知道了該部知道 簽

以上 件 無禮單

說帖卽照草底繕寫

以上俱係應行進

呈之件

朝鮮國王 又進到慶

賀

萬萬壽聖節

萬壽聖節謝進

賀使臣參宴

恩狀各一通

以上例不進

呈俟進

呈表出科之日連某表某項一併交廳貯庫

一查所有各國金葉蒲葉等項表章及原譯表底印花封套匣筒雜項等件俱貯庫內其歷年說帖草底單片及草簽禮部文移等項俱存本處五要檔第二要十二號特記

一查各國所進金葉表文自乾隆十八年起至五十一年止暹邏國共七次安南國共六次所有金葉表文俱交造辦處業經鎔化自乾隆五十二年起至五十七年止暹邏國共進三次緬甸國共進五次以上所有金葉表俱交禮部轉

交造辦處在案今內閣現存乾隆五十八年暹羅國金葉表一道五十九年緬甸國金葉表一道六十年緬甸國金葉表一道嘉慶元年暹羅國金葉表一道嘉慶二年暹羅國金葉表二道以上貯庫者共六件

此係嘉慶二年正月二十五日奉伯中堂諭查明特

記嗣後凡有金葉表交禮部及造辦處者務隨時記載年月數目於後亦或將來考察之一助云

一各國表文由漢票簽送到時卽令本處紙匠量表之數目尺寸每國各做黃匣一個

無論表章奏本及禮單之多寡一國共貯一匣

務於先期二三日辦理妥協以備進呈

已有旨了該部知道

琉球國王摺奏陪臣溫思明齋奉勅書蟒緞回國奉勅諭琉球遠隔海洋不必專遣使臣謝恩著俟正貢之年一同奏謝欽此

雍正十二年進

道光十九年三月二十五日進呈琉球國冊封謝恩表章又奏書三道一道係進貢方物一道係餽送冊封使臣宴金四月初二日奉旨此次冊封琉球使臣等却還宴金原屬仰體朕意不欲滋擾外藩今仍不必收受令來使帶回欽此一道係送葬費銀五百兩同日奉旨此次冊封琉球帶兵遊擊周廷